

周

禮

正

義

周禮正義卷七十三

瑞安孫詒讓學

行夫掌邦國傳遽之小事媿惡而無禮者凡其使也必以旌節  
雖道有難而不時必達傳遽若今時乘傳騎驛而使者也美福  
慶也惡喪荒也此事之小者無禮行夫主使之道有難謂遺疾  
病他故不以時至也必達王命不可廢也其大者有禮大小行  
人使之有故則介傳命不媿不達疏掌邦國傳遽之小事媿惡  
而無禮者者媿古美字詳大司徒疏賈疏云行夫者以身自行  
於外言媿惡無禮者無損介而單行謂之無禮也案無禮當亦  
謂無聘享玉帛之禮賈疏未暇觀禮賜舍不以幣致注云使人  
以命致館無禮賈彼疏謂無禮謂無束帛是無幣亦得爲無禮

審矣云凡其使也必以旌節者明此官爲小事特使與聘問不同不得用邦節珍圭牙璋之等故與環人同用節也云雖道有難而不時必達者賈疏云無難者卽依程至祇由有難故不時必達者雖不時必達於所往之處也 注云傳遽若今時乘傳騎驛而使者也者大僕注云遽傳也玉藻云士曰傳遽之臣注云傳遽以車馬給使者也爾雅釋言云駟遽傳也在成五年傳晉侯以傳召伯宗杜注云傳驛又僖三十一年孔疏引孫炎云傳車驛馬也說文馬部云驛置騎也駟驛傳也案秦漢以後凡急事速行乘車曰傳曰駟乘馬曰遽曰驛故鄭許亦分別程之然此經爲周初典法似尙未有單騎之制則傳遽當通爲乘車漢書高帝紀田橫乘傳詣雒陽顏注引如淳云律四馬高足

爲置傳四馬中足爲馳傳四馬下足爲乘傳一馬二馬爲輅傳  
急者乘一乘傳師古云傳者若今之驛古者以車謂之傳車其  
後又單置馬謂之驛騎此說漢時乘傳騎驛之制亦以單置馬  
爲起於後世足證周初有乘無騎矣又案周時傳遽蓋用輕車  
取其速至故方言揚雄荅劉歆書以行人爲輶軒使者輶軒卽  
輕車也行夫亦卽行人之屬凡王官以事巡行天下必乘傳遽  
通謂之傳遽之事則亦通謂之輶軒之使矣互詳大僕疏云美  
福慶也者此亦經用古字注用今字之例福慶者美善之事卽  
大宗伯大行人賀慶之禮是也云惡喪荒也者卽大宗伯凶禮  
之二賈疏云謂民有死喪及年穀不熟若諸侯薨之等大事卽  
使卿大夫若春秋王使榮叔宰嚭之等有禮不使行夫也云此

事之小者無禮行夫主使之者以行夫下士秩卑於大小行人  
故事之小無禮幣者則使行夫特往也云道有難謂遭疾病他  
故不以時至也者遭疾病謂行夫身有疾病也他故若虎賁氏  
云道路不通注云逢兵寇若泥水是也云必達王命不可廢也  
者明事雖小亦奉王命而往雖不以時至亦期於必達賈疏謂  
以行夫下士三十二人人數多縱有難必達失之云其大者有  
禮大小行人使之者明行人使邦國亦乘傳遽也賈疏云案大  
行人雖不云身使之事其間問及王之所以撫諸侯之等或身  
自行小行人云使適四方是身行之事也云有故則介傳命不  
嫌不達也者明大事雖有故亦必達也聘禮云賓入竟而死遂  
也主人爲之具而殯介攝其命鄭彼注云爲致聘享之禮也初

時介接聞命又云若賓死未將命則既斂於棺造於朝介將命是聘使死則介傳命鄭卽據彼爲說居於其國則掌行人之勞辱事焉使則介之使謂大小行人也故書曰夷使鄭司農云夷使使於四夷則行夫主爲之介立謂夷發聲疏居於其國者於經例當作于唐蜀石經及各本並誤此謂行夫隨行人居所使之國也云則掌行人之勞辱事焉者與行人爲役也勞辱事猶司隸云煩辱之事 注云使謂大小行人也者此謂大事有禮使大小行人者則行夫爲之介也云故書曰夷使者謂故書使則介之上多一夷字也釋文出焉使云劉焉音夷則劉昌宗以夷爲卽焉之異文王引之云焉字屬上爲句使則介之故書使上有夷字夷乃發聲故鄭兼有故書有夷字者而以發聲解之

非謂焉故書作夷也若焉字故書作夷則鄭當云故書焉作夷方合全書之例今不言焉作夷而云使謂大小行人也故書曰夷使是故書使上多一夷字而焉字仍屬上讀明矣劉音誤甚陸氏以焉使連讀亦沿劉氏之誤案以注疊故書通例覈之王說是也孔繼汾說亦同劉音及陸讀並失之惠棟引三年閱焉使倍之以證焉當訓於陸意或當如是然非經注義也鄭司農云夷使使於四夷則行夫主爲之介者先鄭從故書爲說以夷爲四夷也賈疏云後鄭不從以爲夷發聲者以經云居則掌行人之勞辱事是行人所使卽云介明還與行人爲介文勢不容與行人別行直四夷使自使象胥何得使行夫也故不從之也云云謂夷發聲者王引之云凡鄭注所列或本亦有爲之解者

如彙人試其弓弩故書試爲考立謂考之而善則上其食尤善又賞之考工記箝踰汝則死箝或作獲謂善緣木之獲也斬人左不捷捷或作券立謂券今榘字也是其例也夷發聲乃解故書夷字非解經文焉字周官一書用焉字者多矣皆句末語助無爲句首發聲者案王說亦是也

環人掌送逆邦國之通賓客以路節達諸四方通賓客以常事往來者也路節旌節也四方圻上

**疏**

注云通賓客以常事往來

者也者通大小賓客朝覲會同聘覘言也掌文云掌邦國之通事而結其交好注云通事謂朝覲聘問也此與彼義同云路節旌節也者據掌節大行人文賈疏云以其道路用旌節故知路節旌節也云四方圻上者圻與畿同卽大司徒注云千里曰畿



周禮正義

禮七十三

四 禮學附本

五百三十六

謂距王城五百里疆與侯國畿封相接之處也下文云送逆及疆故知不出畿賈疏云至畿卽入諸侯國諸侯國自有通之者也舍則授館令聚糧有任器則令環之令令野廬氏也鄭司農云四方人有任器者則環人主令殉環守之疏舍則授館者此授館據在道言之與入國致館異賈疏云館則道上廬宿市所館舍云有任器則令環之者賈疏云謂賓客任用之器案任器詳司隸疏注云令令野廬氏也者賈疏云其職云若有賓客則令守涂地之人聚糧之故知令野廬也鄭司農云四方人有任器者則環人主令殉環守之者蜀石經殉作徇案殉卽徇字左傳桓六年注以木鐸徇釋文云徇本作殉徇亦卽徇之俗敘官注云環猶圍也主圍賓客任器爲之守衛徇環亦謂徇行圍

繞爲客戒守以備盜竊與後鄭義同凡門關無幾送逆及疆鄭  
司農云門關不得苛留環人也立謂環人送逆之則賓客出入  
不見幾疏送逆及疆者謂典誥士掌誥同從小行人送逆於竟  
上也 注鄭司農云門關不得苛留環人也者王制注云幾阿  
察也苛呵字同詳宮正疏依先鄭說則似門關得幾賓客惟不  
幾環人故後鄭更釋之云立謂環人送逆之則賓客出入不見  
幾者補先鄭義明無幾卽謂不幾賓客也周書大子晉篇云委  
積施關道路無限彼施讀爲弛弛關卽謂門關無幾也

象胥掌蠻夷閩貉戎狄之國使掌傳王之言而諭說焉以和親  
之謂蕃國之臣來規聘者疏掌蠻夷閩貉戎狄之國使者姜兆

錫云卽職方氏四夷八蠻七閩九貉五戎六狄之國大行人所

謂蕃國也

注云謂蕃國之臣來覲聘者者明經云國使卽蕃

國之臣奉使來至王國者也賈疏云蕃國之君世壹見其臣得有覲聘者彼雖無聘使法有國事來小行人受其幣聽其辭以中國覲聘況之耳其實無覲聘也案王無覲聘蕃國之禮若蕃國之於王則不必絕無覲聘但不限以常期耳賈說未然若以時入賓則協其禮與其辭言傳之以時入賓謂其君以世一見來朝爲賓者疏若以時入賓則協其禮者夷狄君長來朝亦以禮接之猶大行人凡諸侯之王協其禮但其禮當殺於中國五等諸侯耳王制孔疏引皇侃云戎狄之君使來王饗之其禮則委饗也若夷狄君來則當與中國子男同故小行人職掌小賓小客所陳牲牢當不異也案孔皇云委饗者國語周詁云戎狄

則有體薦其適來班貢坐諸門外而使舌人體委與之韋注云  
舌人能達異方之志象胥之官卽此協體之事云與其辭言傳  
之者辭謂蕃國君長告請之辭言傳與上文傳王之言義異豕  
人言鸞車象人大祝言何人注並云言猶語也此言當與彼同  
謂告語傳達之大行人云屬象胥諭言語協辭命是此官通蕃  
國之辭彼以主賓之辭傳譯通之也 注云以時入賓謂其君

以世一見來朝爲賓者者一釋文作壹案注例用今字當作一  
詳酒正疏此卽大行人云九州之外謂之蕃國世壹見是也凡  
其出入送逆之禮節幣帛辭令而賓相之從來至去皆爲擯而  
詔侑其禮儀疏凡其出入送逆之禮節幣帛辭令而賓相之者  
賓亦當讀爲擯詳大宗伯大行人疏大行人注謂蕃國之君無

玉瑞則唯有幣帛可知左隱七年傳云戎朝于周發幣于公卿此夷狄亦有幣帛之證賈疏謂夷狄無玉帛來向中國幣帛爲王有賜與之者是謂無玉并無幣帛失之注云從來至去皆爲擯而詔侑其禮儀者大行人注出入謂從來說去也此經亦云出入故知來去皆然擯釋賓詔侑禮儀釋相之凡國之大喪詔相國客之禮儀而正其位客謂諸侯使臣來弔者**疏**凡國之大喪者賈疏云大喪言凡則非王喪若王喪諸侯皆來何得有使臣來諸侯絕無來者則大喪王后世子也或大喪王喪不言諸侯者餘官掌之此象胥直掌臣也又象胥本主夷狄之使亦兼掌中國之使故下有大事諸侯之等也注云客謂諸侯使臣來弔者者司儀云諸公之臣相爲國客是諸侯使臣謂之國

客此爲大喪而來。知爲來弔者也。凡軍旅會同受國客幣而賓禮之謂諸侯以王有軍旅之事使臣奉幣來問。疏凡軍旅會同受國客幣而賓禮之者鄉大夫先鄭注云賓敬也。此與上文賓相義不同。注云謂諸侯以王有軍旅之事使臣奉幣來問者賈疏云正謂禮動不虛以爲相見之禮以幣致其君命非謂別有幣也。凡作事王之大事諸侯次事卿次事大夫次事上士下事庶子作使也。鄭司農云王之大事諸侯使諸侯執大事也。次事卿使卿執其次事也。次事使大夫次事使上士下事使庶子。疏凡作事者此通論諸侯以下所共王事之差等非必皆象胥作之也。小宰六敘正羣吏云以敘作其事此則通作諸侯諸臣等之事亦依敘以作之云。次事上士者賈疏云直言上士不

作中士下士者摠以王之三等之士皆曰上士與王制所云元士同也王引之云周禮序官凡言上士者皆對中士下士言之無合三等之士言之者掌客從者三公既上公之禮卿既侯伯之禮大夫既子男之禮士既諸侯之卿禮庶子壹既其大夫之禮其序卿大夫士庶子之等與此同而但稱爲士不稱上士夏官司士凡會同作士從賓客亦如之作士適四方使爲介正此所謂次事使士者亦無上士之稱上蓋衍文也若有上字則與直言士者不同鄭必訓釋其義今鄭不爲上字作解則所見本無此字也案王說是也云下事庶子者庶子謂公卿大夫之子未命而在官者故次在上下詳宮伯諸子疏 注云作使也者司士注義同鄭司農云王之大事諸侯使諸侯執大事也次事卿

使卿執其次事也次事使大夫次事使上士下事使庶子者王引之云上字亦後人依誤本經文加之案王校是也先鄭亦訓作爲使謂自大事至下事有此五等各依其爵次尊卑作使之

掌客掌四方賓客之牢禮餼獻飲食之等數與其政治政治邦新殺禮之屬

**疏**掌四方賓客之牢禮餼獻飲食之等數者牢唐石經初刻誤作勞磨改作牢此卽下文五等諸侯禮數不同之法宰夫云凡朝覲會同賓客以牢禮之灋掌其牢禮委積膳獻飲食賓賜之餼宰與其陳數此所掌與彼略同亦官聯也牢禮謂若下文餼積殷膳等皆有牲牢之禮餼卽下饗餼獻卽下乘禽宰夫注云膳獻禽羞俶獻也飲食燕饗也此不言膳及賓賜餼宰者詳略互見足相賅約也

注云政治邦新殺禮之屬者



據下文王合諸侯而饗禮則具十有二牢庶具百物備諸侯長十有再獻饗諸侯而用王禮之數者以公侯伯子男盡在是兼饗之莫敵用也諸侯長九命作伯者也獻公侯以下如其命數

疏王合諸侯而饗禮者司儀注云合諸侯謂有事而會也案亦兼時會殷同言之凡會同在國外爲壇此饗則仍在廟以饗與會同不同日也云則具十有二牢者宰夫注云三牲牛羊豕具爲一牢則十二牢卽十二太牢也云庶具百物備者祭統云官備則具備水草之菹陸產之醢小物備矣三牲之俎八簋之實美物備矣昆蟲之異草木之實陰陽之物備矣鄭彼注云具謂所其眾物案十二牢爲牲俎則庶具百物蓋指庶羞膳夫所謂羞用百有二十品之屬是也云諸侯長十有再獻者待方伯以

殊禮蓋與大飴十二獻禮略同凡上公九獻依司尊彝注說祭禮約之蓋先有二爵醑後又有四獻賓食後酌爵又二獻厭賓之長又一獻是爲九獻此外更有三獻則禮經無可推約莫能詳也賈大行人疏說九獻無祿不足據 注云饗諸侯而用王禮之數者者賈疏云王禮則十二牢是故哀七年吳來徵百牢魯使子服景伯對曰周之王也制禮上物不過十二以爲天之數也上公以九爲節則十二者是王禮之數也云以公侯伯子男盡在是兼饗之其敵用也者以四時朝覲五等諸侯皆一一專饗故牢禮多不逾九今合諸侯而兼饗之既不分牢各具則不得專屬一人故特用盛禮與專饗不同也賈疏云以經云合則時會殷同是盡在於是兼饗故用十二牢也若單饗一國

卽有賓主之敵則單用大牢今兼饗諸侯無一一相敵故云莫敵用也若曲禮云大饗不問卜鄭云莫適卜也彼亦非一帝搆饗五帝莫適卜也案賈說非也敵適字同凡言莫適者皆無所專主之謂論語里仁篇無適也釋文引鄭本作敵詩衛風伯兮篇豈無膏沐誰適爲容毛傳云適主也此注云莫敵用者卽謂不能專主一人之禮而用之故用王禮之數曲禮注云莫適卜亦謂帝有五不能專主一帝而卜之非無一一相敵之謂也云諸侯長九命作伯者也者據大宗伯文先鄭彼注云長諸侯爲方伯故此云諸侯長也云獻公侯以下如其命數者賈疏云大行人云上公饗禮九獻侯伯七獻子男五獻是也王巡守殷國則國君膳以牲犢令百官百姓皆具從者三公眡上公之禮卿

眡侯伯之禮大夫眡子男之禮士眡諸侯之卿禮庶子壹眡其大夫之禮國君者王所過之國君也犢蕭栗之犢也以膳天子貴誠也牲孕天子不食也祭帝不用也凡賓客則皆角尺令者掌客令主國也百姓皆具言無有不具備疏王巡守殷國者即大行人十有二歲巡守殷國時也賈疏云王巡守則殷同殷同則殷國也王巡守至於四岳之下當方諸侯或所在經過或至方岳之下若殷國或在王城出畿外在諸侯之國所在之處皆設禮待王故巡守殷國並言也案殷國者王巡行近畿之國因而合諸侯也故有侯國膳具之事與大行人之殷同在王都者異賈沿鄭職方氏注之誤說合二事爲一故謂或在王城非也詳職方氏疏云則國君膳以牲犢者賈疏據下文諸侯禮謂此

王膳亦謂殷膳今案王在侯國亦若在國日一舉侯國之君當有進膳之禮不唯殷膳也賈說似未該史記魯仲連傳云天子巡守侯國避舍納筦鑰攝衽抱机視膳於堂下天子已食乃退而聽朝也是天子巡守諸侯有親視膳之禮也云令百官百姓皆具者此謂致積殮饗餼及殷膳皆有牲牢也賈疏云此文與下爲目百官卽三公已下是也詒讓案左傳二十四年傳云天子出居于鄭鄭伯與孔將鉏石甲父侯宜多省視官具于汜而後聽其私政禮也此百姓亦官具之一端也云從者三公既上公之禮者王三公既畿外諸侯之禮也國語周語說襄王使大宰文公賜晉文公命晉待以公命侯伯之禮云上卿逆於境晉侯郊勞館諸宗廟饋九牢與此後文上公之禮正同云卿既侯

伯之禮大夫貳子男之禮士貳諸侯之禮禮庶子壹貳其大夫  
之禮者賈疏云上公已下及侯伯子男禮備於大行人及掌客  
諸侯之卿及諸侯大夫禮亦備於聘禮及公食大夫也 注云  
國君者王所過之國君也者賈疏云鄭偏舉一邊而言所在亦  
須其待云犢鷩栗之犢也者爾雅釋畜牛屬云其子犢國語楚  
語云郊禴不過鷩栗章注云角如鷩栗漢書禮樂志顏注云鷩  
栗言角之小如鷩及栗之形也賈疏云王制云天地之牛角鷩  
栗郊特牲云天子適諸侯諸侯膳用犢謂殷膳時特與祭天之  
牲同用犢則天子鷩栗可知也云以膳天子貴誠也牲孕天子  
不食也祭帝不用也者據郊特牲文鄭彼注云犢者誠慈未有  
牝牡之情孕任子也云凡賓客則皆角尺者明餘賓客自上公

以下皆不用犢也王制云賓客之牛角尺謂長一尺也云令者掌客令主國也者賈疏云以其掌客掌諸侯已下牢禮故知掌客令也云百牲皆具言無有不具備者百牲舉成數明隨從官多少無不具備不必限以百也凡諸侯之禮上公五積皆既飧牽三問皆脩羣介行人宰史皆有牢飧五牢食四十簋十豆四十餼四十有二壺四十鼎盞十有二牲三十有六皆陳饗餼九牢其死牢如飧之陳牽四牢米百有二十筥醯醢百有二十甗車皆陳車米既生牢牢十車車乘有五簋車禾既死牢牢十車車三秬芻薪倍禾皆陳乘禽日九十雙殷膳大牢以及歸三饗三食三燕若弗酌則以幣致之凡介行人宰史皆有飧饗餼以其爵等爲之牢禮之陳數唯上介有禽獻夫人致膳八壺八豆

八邊膳大牢致饗大牢食大牢卿皆見以羔膳大牢侯伯四積  
皆眡飧牽再間皆脩飧四牢食三十有二簠八豆三十有二劔  
二十有八壺三十有二鼎簋十有二腥二十有七皆陳饗餼七  
牢其死牢如飧之陳牽三牢米百宮醢醢百饗皆陳米三十車  
禾四十車芻薪倍禾皆陳乘禽日七十雙殷膳大牢三饗再食  
再燕凡介行人宰史皆有飧饗餼以其爵等爲之禮唯上介有  
禽獻夫人致禮八壺八豆八邊膳大牢致饗大牢卿皆見以羔  
膳特牛子男三積皆眡飧牽壹間以脩飧三牢食二十有四簠  
六豆二十有四劔十有八壺二十有四鼎簋十有二牲十有八  
皆陳饗餼五牢其死牢如飧之陳牽二牢米八十筥醢醢八十  
饗皆陳米二十車禾三十車芻薪倍禾皆陳乘禽日五十雙壹



饗壹食壹燕凡介行人宰史皆有餼饗餼以其爵等為之禮唯  
 上介有禽獻夫人致禮六壺六豆六邊膳既致饗親見卿皆膳  
 特牛積皆視餼率謂所共如餼而率牲以往不殺也不殺則無  
 劍鼎簠簋之實其米實于筐豆實實于罍其設筐陳于楹內饗  
 陳于楹外牢陳于門西車米禾芻薪陳于門外壺之有無未聞  
 三問皆脩脩脯也上公三問皆脩下甸云羣介行人宰史皆有  
 牢君用脩而臣有牢非禮也蓋著脫字失處且誤耳餼客始至  
 致小禮也公侯伯子男餼皆飪一牢其餘牢則腥食者其庶羞  
 美可食者也其設蓋陳于楹外東西不遇四列簠稻梁器也公  
 十簠堂上六西夾東夾各二也侯伯八簠堂上四西夾東夾各  
 二子男六簠堂上二西夾東夾各二豆菹醢器也公四十二豆堂

上十六酉夾東夾各十二侯伯三十二豆堂上十二酉夾東夾各十子男二十四豆堂上十二酉夾東夾各六禮器曰天子之豆二十有六諸公十有六諸侯十有二上大夫八下大夫六以聘禮差之則堂上之數與此同銅羹器也公銅四十二侯伯二十八子男十八非衰差也二十八書或爲二十四亦非也其於衰公又當三十於言又爲無施禮之大數銅少於豆推其衰公銅四十二宜爲三十八蓋近之矣則公銅堂上十八酉夾東夾各十侯伯堂上十二酉夾東夾各八子男堂上十酉夾東夾各四壺酒器也其設於堂夾如豆之數鼎牲器也簋黍稷器也鼎十有二者飪一牢正鼎九與陪鼎三皆設於西階前簋十二者堂上八酉夾東夾各二合言鼎簋者牲與黍稷俱食之主也牲

當爲腥聲之誤也腥謂腥鼎也於侯伯云腥二十有七其故腥字也諸侯禮盛腥鼎有鮮魚鮮腊每牢皆九爲列設於阼階前公腥鼎三十六腥四年也侯伯腥鼎二十七腥三牢也子男腥鼎十八腥二牢也皆陳陳列也殮門內之實備于是矣亦有車米禾芻薪公殮五年米二十車禾三十車侯伯四牢米禾皆二十車子男三牢米十車禾二十車芻薪皆倍其禾麥餼既相見致大禮也大者既兼殮積有生有腥有孰餘又多也死牢如殮之陳亦飪一牢在西餘腥在東也牽生牢也陳于門西如積也米橫陳于中庭十爲列每宮半斛公侯伯子男黍梁稻皆二行公稷六行侯伯稷四行子男二行醯醢夾碑從陳亦十爲列醯在碑東醢在碑西皆陳於門內者於公門內之陳也言車者行

字耳車米載米之車也聘禮日十斗日斛十六斗日數十數日  
秉每車秉有五數則二十四斛也禾稟實并刈者也聘禮日四  
秉日筥十筥日稷十稷日秬每車三秬則三十稷也稷猶束也  
米禾之秉筥字同數異禾之秉手把耳筥讀爲棟栝之栝謂一  
稊也皆陳橫陳門外者也米在門東禾在門西芻薪雖取數于  
禾薪從米芻從禾也乘禽乘行羣處之禽謂雉鴈之屬於禮以  
雙爲數殷中也中又致膳示念賓也若弗酌謂君有故不親饗  
食燕也不饗則以酬幣致之不食則以侑幣致之凡介行人宰  
史眾臣從賓者也行人主禮宰主具史主書皆有餼饗餼尊其  
君以及其臣也以其爵等爲之半禮之數陳爵卿也則餼二牢  
饗餼五牢大夫也則餼大牢饗餼三牢士也則餼少牢饗餼大

牢也此降小禮豐大禮也以命數則參差難等略於臣用爵而已夫人致禮助君養賓也遵豆陳于戶東壺陳于東序凡夫人之禮皆使下大夫致之於子男云膳視致饗言夫人致膳於小國君以致饗之禮則是不復饗也饗有壺酒卿皆見者見于賓也既見之又膳之亦所以助君養賓也卿見又膳此聘禮卿大夫勞賓饋賓之類與於子男云親見卿皆膳特牛見讀如卿皆見之見言卿於小國之君有不故造館見者故造館見者乃致膳鄭司農說牽云牲可牽行者也故春秋傳曰饋牽竭矣秬讀爲秬秬麻荅之秬疏凡諸侯之禮者賈疏云此一經並是諸侯自相朝主國待賓之禮若然天子主客不見天子待諸侯之禮而見諸侯自相待者以外包內天子待諸侯亦同諸侯自相待

可知案賈說是也覲禮饗禮乃歸注引此經上公三饗三食三燕二云云爲釋則鄭謂天子待諸侯亦用此法明矣云上公五積皆眠殮率三問皆脩者此賓客在道之禮大行人上公出入五積三問三勞是也此不言勞者文不具云殮五年者以下至皆陳皆賓客始至所致之禮司儀云致殮如致積之禮是也云饗饋九牢者以下至皆陳皆賓客既將幣後所致之禮也云乘禽日九十雙者以下皆留間所以給賓客之禮乘禽卽下文禽獻也聘禮亦云歸乘禽日如其饗饋之數彼聘臣饗饋五年故聘義云乘禽日五雙此上公九牢而乘禽日九十雙十倍其數者亦君臣禮異也云殷膳大牢者亦留間所致也云以及歸三饗三食三燕者大戴禮記朝事篇云饋而禮之三饗三食三宴以

與之習立禮樂宴卽燕之借字經文先饗次食次燕者凡賓禮饗最盛食次之燕爲最輕行禮先後亦同故公食大夫禮云設洗如饗注云必如饗者先饗後食如其近者也聘禮注亦據公食經云則饗與食互相先後也依彼注義則行此三禮亦依敘次錯互舉之蓋上公則先一饗次一食次一燕又再饗次再食次再燕又三饗次三食次三燕侯伯子男及聘臣數遞減而三禮相互並同唯左昭二十五年傳叔孫婁聘宋宋公享之明日宴彼亦先饗後燕而先後兩日饗燕相接其間無食者或文不具抑或侯伯之卿再饗一食前已得一饗一食故更端再饗而無食皆未可知也云若弗酌則以幣致之者謂不親饗食燕而以禮致之也云凡介行人宰史皆有饋饗餼者以下皆待賓

客從者之禮云唯上介有禽獻者五等諸侯上介皆以卿故待  
隆其禮其大夫士介則無也詳大行人疏云夫人致禮八壺八  
豆八簋膳大牢致饗大牢食大牢者皆夫人待賓客之禮也云  
卿皆見以羔膳大牢者此皆卿大夫待賓客之禮也大宗伯六  
等卿執羔五等侯國同云侯伯四積者以下至膳特牛皆待侯  
伯之禮與公略同唯等數皆遞殺云三饗再食再燕者浦鐘云  
內宰大宗伯職金疏及覲禮注並作再饗汪文臺云通典七十  
四引亦作再饗郊特牲疏云侯伯則再饗再食再燕南本或云  
侯伯亦三饗誤也案浦汪並據孔說按此孔云南本者謂南朝  
本也唐蜀石經及今本並與彼同依北朝本則五等諸侯饗食  
燕數各自相同於上下文例亦符合但攷聘禮侯伯之卿壹食



周禮正義

禮七十三

十一

禮記卷之七十三

再饗則饗食數不必盡同況大行人注謂大國之再饗食之數並視小國之君而此經子男止壹饗壹食反不得視大國之卿則於禮例似不甚協竊疑南本此文不誤下文子男當作再饗一食與大國卿同六朝以後子男文誤作壹饗北本遂改此文以與彼相儗實則五等諸侯唯上公二禮自相等餘皆不相等也云子男三積者以下至親見卿皆膳特牛皆待子男之禮與侯伯略同而等數亦遞殺云夫人致禮六壹六豆六邊者俞樾云經文夫人致禮於上公則八壹八豆八邊於侯伯亦八壹八豆八邊於子男則六壹六豆六邊此必誤也以上文例之降則公侯伯子男遞降如食四十簋十豆四十之類皆是也不降則公侯伯子男皆不降如鼎簋十有二是也未有侯伯不降而子

男獨降者疑致禮侯伯爲六壺六豆六邊子男爲四壺四豆四邊據聘禮夫人致膳于賓六豆六邊六壺于介則四豆四邊四壺降殺以兩卽其例也案俞謂此經文有誤信然然聘禮五介爲侯伯之卿行聘之禮夫人致禮六豆六邊六壺若如俞說此夫人致於侯伯亦六壺六豆六邊則君臣無等又破子男爲四壺四豆四邊則降於侯伯之臣矣於禮次似未協蔣載康則謂侯伯子男數並不誤唯上公當作十壺十豆十邊亦無塙證竊疑此經於子男亦當作八壺八豆八邊蓋夫人致禮五等諸侯數皆不降猶膳用大牢亦五等同不降經文子男數誤而侯伯數則不誤也大抵此章文多舛謬但無它經可證姑並存諸說俟通學詳定焉 注云稽皆羸豢牽謂所共如豢而牽牲以往

不殺也者此亦注用今字作視也下並同此五等諸侯相朝積  
殮饗餼之等同用大牢天子待來朝諸侯亦然郊特牲云諸侯  
適天子天子賜之禮大牢是也賈疏云上公五積公國自相朝  
是上公待上公之禮有五積皆眡殮一積眡一殮殮五牢五積  
則二十五牢言牽者數雖眡殮殮則殺積全不殺並生致之故  
云牽侯伯四積亦皆眡殮牽殮四牢一積眡一殮則一積四牢  
摠十六牢亦牽不殺子男三積積亦眡殮殮三牢一積三牢三  
積九牢亦牽之不殺也必牽之不殺者以其在道分置豫往故  
不殺之容至自殺也既云眡殮殮則有芻薪米禾之等故鄭解  
積皆依殮解之也案賈說是也凡積皆不殺左傳隱十年孔疏  
謂積亦或有孰失之云不殺則無錡鼎者賈疏云錡鼎卽陪鼎

是也但殺乃有銅鼎不殺則無銅鼎可知侯伯子男皆然王引之云下文飧五牢銅四十有二鼎簋十有二是飧有銅與鼎飧五牢皆殺則必烹肉於鼎盛汁於銅故有銅鼎也五積視飧而不殺牲則無銅鼎可知故鄭云不殺則無銅鼎銅鼎二器也賈誤以爲一器而云卽陪鼎其說不可通下文銅四十有二鼎簋十有二注曰鼎十有二者正鼎九陪鼎三是陪鼎已在鼎十有二之內何得又以銅爲陪鼎郊特牲曰鼎俎奇而籩豆偶正鼎九陪鼎三正所謂鼎俎奇也銅數偶而不奇明與陪鼎非一物聘禮饗飪一牢陪鼎設于西階前當內廉銅設于堂上戶西及東西夾二者絕殊鄭注聘禮云羞鼎則陪鼎也以其實言之則曰羞以其陳言之則曰陪未嘗以爲銅也注掌客曰銅羹器也

注公食大夫禮曰鉶菜和羹之器注士虞禮曰鉶菜羹也注特牲饋食禮曰鉶肉汁之有菜和者召南采蘋篇釋文引鄭曰鉶和羹之器未嘗以爲陪鼎也賈誤解注之鉶鼎爲陪鼎又以解亨人之鉶羹皆以爲陪鼎是直不知鼎與鉶之有辨也韋崇義三禮圖亦沿賈氏之誤案王說是也胡培羣說同云簠簋之實其米實于筐豆實實于饗者于注例並當作於各本並誤下同賈疏云皆約公食大夫親食則有簠簋之實已下皆飭在俎若不親食使大夫各以其爵朝服以侑幣致之則生往今積既不後與公食生致同故鄭皆約公食大夫解之也云其設筐陳于楹內饗陳于楹外牢陳于門西者賈疏云彼云豆實實于饗陳于楹外二以並北陳簠實實于筐陳于楹內兩禮圖二以並南

陳牛羊豕陳于門內西方東上是鄭皆依公食大夫之文也詒讓案鄭彼注云陳饗筐於楹間者象授受於堂中也牛羊豕爲其踐汙館庭使近外云車米禾芻薪陳于門外者賈疏云此約聘禮致饗饋之文彼云門外米二十車設于門東爲三列東陳禾三十車設于門西西陳薪芻倍禾注云薪從米芻從禾是其事也侯伯子男積之簠豆米禾薪芻等陳列亦與此同也云壺之有無未聞者以致殮致饗饋皆有壺惟此致積經不言壺數公食大夫禮致侑幣亦無壺故云有無未聞云三問皆脩脩脯也者脩脯膳夫先鄭注同以問禮輕故無牲牢云上公三問皆脩下句云羣介行人宰史皆有牢君用脩而臣有牢非禮也蓋著脫字失處且誤耳者賈疏云君尊用脩臣卑用牢故云非

禮案下文凡介行人宰史皆在饗食燕下此特在上有人見下文脫此語錯差著於此更有人於下著訖此剩不去故云蓋著脫字失處也下文皆云凡介此云羣介故云且誤耳段玉裁云皆有二字本下屬飧饗餼今乃因下文飧五牢而爲皆有牢與君脩爲對文鄭所謂且誤謂誤中文誤也云飧客始至致小禮也者詳宰夫及司儀疏云公侯伯子男飧皆飪一牢其餘牢則腥者賈疏云鄭言此者下惟言腥不言飪此有餼及鼎皆爲飪一牢而言以是經雖不言飪須言飪之矣腥之數備於下也詒讓案鄭意若公飧五牢飪一牢餘四牢並腥餘放此聘禮致飧飪一牢腥亦一牢者彼侯伯之卿餼止二牢故飪腥各一其諸侯相朝牛雖多飪亦止一牛與聘禮同惟腥牢多爲異云食者

其庶羞美可食者也者庶羞亦實於豆經以別於正豆之菹醢故謂之食明與食醫六食爲飭異也庶羞詳膳夫疏云其設蓋陳于楹外東西不過四列者于亦當作於賈疏云前所陳皆約公食大夫致食之禮今案公食若不親食庶羞陳于碑內者設俎之時堂上皆有正饌無容庶羞之處楹外既空不須向碑內及堂下故疑在楹外陳之十以爲列故四列也公食陳于碑內者由舊陳于楹外故在下也必知爲四列見公食云庶羞西東毋過四列故知也云簠稻梁器也者梁舊本並誤梁今據宋蜀大字本正此對簠爲黍稷器也說文竹部云簠黍稷圓器也許以簠亦爲黍稷器與鄭說異凌廷堪云聘禮歸饗饋堂上兩簠梁在北西夾兩簠梁在西東夾亦如之公食大夫賓北面自間



周禮正義 禮七十三

二十 楚學子社本

五百四十八

坐左擁篲梁右執涪以降是簠乃稻梁器非黍稷器當以經文爲正案凌說根據禮經足申鄭義又鄭舍人注云方曰簠亦與許異詳彼疏云公十簠堂上六西夾東夾各二也侯伯八簠堂上四西夾東夾各二子男六簠堂上一二西夾東夾各二者賈疏云鄭知此者見聘禮致饗饋堂上一二簠東西夾各二一簠今此公十侯伯八子男六禮之通例堂上之數與東西夾之數堂上不多則等鄭遂以意裁之五等東西夾各二以外置於堂上故云公六侯伯四子男二也聘禮設飧鄭約致饗饋今亦約致饗饋也但聘禮設飧云西夾六無東夾之饌者蓋降於君禮故也云豆菹醢器也者毛詩大雅生民傳云木曰豆豆薦菹醢也醢人云享四豆之實是豆爲盛菹醢凡濡物之器也凡飲食之禮有

正羞之豆有庶羞之豆此豆專盛正羞之菹醢其庶羞經別謂之食不在此數互詳醢人版人疏云公四十豆堂上十六西夾東夾各十二侯伯三十二豆堂上十二西夾東夾各十子男二十四豆堂上十二西夾東夾各六者禮器注義亦同賈疏云鄭以堂上豆數取聘禮致饗餼於上大夫八豆是堂上豆數又取禮器天子之豆二十有六諸公十有六諸侯十有二謂侯伯子男同則亦是堂上豆數可知此文公言四十明十六在堂上餘二十四豆分之於東西夾各十二此侯伯言三十二亦以十二爲堂上豆數餘二十分於東西夾各十此子男云二十四以十二爲堂上豆數其餘十二分爲東西夾各六其堂上豆數既約聘禮與禮器東西多少鄭以意差之可知云禮器曰天子之

豆二十有六諸公十有六諸侯十有二上大夫八下大夫六以聘禮差之則堂上之數與此同者鄭自明上所釋堂上東西夾豆數並據禮器及聘禮參定之意鄭禮器注云豆之數謂天子朔食諸侯相食及食大夫公食大夫禮曰宰夫自東房薦豆六設于醬東此食下大夫而豆六則其餘著矣聘禮致饗饋於上大夫堂上八豆設于戶西則凡致饗饋堂上之豆數亦如此案禮器記天子以下豆數公羊桓四年何注說同鄭據公食禮下大夫豆數六定爲食禮又以聘禮致饗饋於上大夫堂上八豆亦與禮器文合則上大夫致饗饋堂上豆數與食禮同明諸公諸侯等致飧並與食禮同可知彼二經與此足互相推定也云銅羹器也者說文金部云銅器也案亨人有大羹銅羹凡羹和

菜者盛於鋤大羹不和菜則盛於登故公食大夫禮注云鋤菜和羹之器此注通言不別也聶氏三禮圖引舊圖云鋤受一斗兩耳三足高二寸有蓋士以鐵爲之大夫已上以銅爲之諸侯飾以白金天子飾以黃金案聶引舊圖說毛詩召南釋文引鄭說同聶又別釋云受一升口徑六寸足高一寸與舊圖異黃以周云御覽引舊圖鋤有足高一寸聶氏誤以鋤爲鼎改云三足高二寸以合之非也案黃說是也鋤形制容實當與豆相近聶圖別說近是舊圖說兩耳三足所容又太多皆陪鼎制非鋤制詩釋文引鄭說蓋亦據禮圖說鄭三禮注無是義也云公鋤四十二侯伯二十八子男十八非衰差也者賈疏云衰差之法上下節級似若九若七若五校一節是衰差今公四十二侯伯二

十八子男十八公於侯伯子男大縣絕故云非衰差也云二十八書或爲二十四本非也者賈疏云侯伯若二十四爲比公四十二校十八又以二十四比子男十八校六亦非其類故云亦非也王引之云書或爲二十四者此周禮原文也蓋侯伯之錡三八而爲三十二加八錡則爲三十二上公之錡之數也今本上公錡四十有二四乃三之誤也減八錡則爲十六子男之錡之數也今本子男錡十有八八乃六之誤也試以上下文例之上公食四豆四十壺四十皆五八之合數也故其降殺以八四八而爲三十二故侯伯食三十有二豆三十有二壺三十有二也三八而爲二十四故子男食二十有四豆二十有四壺二十有四也上公簠十五二之合數也故其降殺以二四二而爲

八故侯伯簠八也三二而爲六故子男簠六也上公腥三十有六四九之合數也故其降殺以九三九而爲二十七故侯伯腥二十有七也二九而爲十八故子男腥十有八也然則上公鉶三十有二四八之合數也故其降殺亦以八三八而爲二十四故侯伯鉶二十有四也二八而爲十六故子男鉶十有六也若云上公鉶二十八則既多於四九之合數又少於六七之合數將何以爲降殺之本乎此當據或本以正經文之譌鄭君偶未審耳案王說差數精審足正經注之誤云其於衰公又當三十於言又爲無施者蜀石經又爲無施作又無所施賈疏云爲三十亦非衰法以其無所倚就故云無所施也案鄭意公鉶三十侯伯二十四子男十八是爲降殺以六爲衰雖是但經文作公

銅四十有二四十下有零數若改作三十則無奇零與經文字數不合故云於言爲無施言卽指經句賈謂無所倚就亦此意也云禮之大數銅少於豆者賈疏云案侯伯豆三十二銅二十八子男豆二十四銅十八是銅少豆多公食大夫豆六銅四是其銅少於豆也云推其衰公銅四十二宜爲三十八蓋近之矣者王引之云鄭言三十八蓋近之者意欲降殺以十使公三十八侯伯二十八子男十八也不知降殺以十者必始於十之積數如下文上公米四十車禾五十車侯伯米三十車禾四十車子男米二十車禾三十車是也若二十有八不足四十之數則不能降殺以十矣再以銅少於豆計之上公豆四十銅三十二侯伯豆三十二銅二十四子男豆二十四銅十六銅少於豆者

皆八所謂較若畫一也若云上公銅三十八則少於豆者二侯伯銅二十八則少於豆者四子男銅十八則少於豆者六反致多寡參差矣案王說亦是也云則公銅堂上十八西夾東夾各十侯伯堂上十二西夾東夾各八子男堂上十西夾東夾各四者賈疏云知如此差者亦約聘禮致饗餼兼以意準量而言案依王氏所定則公銅三十二當堂上十六東西夾各八侯伯二十四當堂上十二東西夾各六子男十六當堂上八東西夾各四堂上之銅各降殺以四東西夾之銅各降殺以二也云壺酒器也者卽司尊彘之壺尊也詳彼疏云其設於堂夾如豆之數者鄭以聘禮堂上八豆壺亦八東西夾各六壺豆亦各六是上大夫致饗餼之禮堂夾所設壺與豆數同此經上公侯伯子男



壺豆總數亦同以此推之其分設堂夾之數壺亦當與豆同其  
公四十壺亦堂上十六東西夾各十二侯伯三十二壺亦堂上  
十二東西夾各十子男二十四壺亦堂上十二東西夾各六也  
云鼎牲器也者說文鼎部云鼎三足兩耳和五味之寶器也素  
凡牲亨於鑊升於鼎載於俎詳內饗疏云簋黍稷器也者說文  
竹部云簋黍稷方器也凌廷堪云聘禮歸饗饋堂上八簋黍其  
南稷錯西夾六簋黍其東稷錯東夾亦如之公食大夫禮正饌  
宰夫設黍稷六簋是諸侯盛黍稷之器謂之簋也大夫士盛黍  
稷之器謂之敦案凌說是也鄭舍人注云圓曰簋與許說異詳  
舍人疏云鼎十有二者飴一牢正鼎九與陪鼎三皆設于西階  
前者陪釋文作倍蜀石經及明注疏本同案陪倍古通用于亦

當作於聘禮云飪一牢鼎九設于西階前陪鼎當內廉東南北  
上上當碑南陳牛羊豕魚腊腸胄同鼎膚鮮魚鮮腊設扃卽臠  
臠臠蓋陪牛羊豕鄭並約彼爲說此五等同用大半故鼎皆十  
有二與膳夫王日一舉鼎十有二同皆通正鼎陪鼎言之左昭  
五年傳云飧有陪鼎亦謂此也陪鼎聘禮又謂之羞鼎互詳膳  
夫疏云簋十二者堂上八西夾東夾各二者以聘禮致饗餼於  
上大夫堂上八簋約此經諸侯十二簋堂上簋數當與彼同其  
餘四簋兩夾分設則每夾各二也賈疏云此五等諸侯同簋十  
二案聘禮致饗餼堂上八簋東西夾各六簋摠二十簋彼臣多  
此君少者禮有損之而益故也賈聘禮疏說同案聘禮致餼堂  
上八簋西夾六簋則十四簋也彼臣禮致餼無東夾之饌尙多

於此君禮於義頗難通所未詳也云合言鼎簋者牲與黍稷俱食之主也者對簋豆鉶壺等皆析言之也賈疏云黍稷與眾饌爲主牲與羞物爲主是俱得爲食之主也云牲當爲腥聲之誤也者謂上公牲三十有六子男牲十有八二牲字也以牲卽牢於義無取故依聘禮易爲腥牲腥聲類同段玉裁云說文腥爲豕望眡而交曉腥之正字與鄭禮注異見內賽詒讓案依說文則腥鼎之腥當作牲云腥猶腥鼎也者腥者對飪爲文謂殺而未亨者也亦實於鼎故曰腥鼎云於侯伯云腥二十有七其故腥字也者明經三言腥其二一並誤爲牲惟侯伯文不誤也云諸侯禮盛腥鼎有鮮魚鮮胾每牢皆九爲列設於阼階前者於舊本亦誤于今依蜀石經正賈疏云此皆約聘禮設饗而言案彼

飪一牢在兩鼎九羞鼎三腥一牢在東鼎七致饗饋云腥二牢  
鼎二七無鮮魚鮮腊設于阼階前西面陳如飪鼎二列此云三  
十六故知有鮮魚鮮腊也詒讓案聘禮致餼歸饗饋皆飪鼎九  
腥鼎七此諸侯禮腥鼎亦九與飪鼎同列數又多是其盛也云  
公腥鼎三十六腥四牢也侯伯腥鼎二十七腥三牢也子男腥  
鼎十八腥二牢也者皆每牢九鼎爲一列也云皆陳陳列也者  
陳列司市注義同云殯門內之實備于是矣者于亦當作於門  
內謂堂上及東西夾所設別於米禾之設於門外者以上所說  
略已略備也云亦有車米禾芻薪者此則門外所設聘禮云門  
外米禾皆二十車芻薪倍禾是也云公殯五牢米二十車禾三  
十車侯伯四牢米禾皆二十車子男三牢米十車禾二十車者

聘禮注云諸侯之禮車米視生牢禾視死牢牢十車大夫之禮皆視死牢而已雖有生牢不取數焉據鄭彼注則此上公五牢生二死二故米二十車禾三十車侯伯四牢生死各二故米禾皆二十車子男三牢生一死二故米十車禾二十車也云芻薪皆倍其禾者聘禮致餼亦云芻薪倍禾與此經同若然上公芻薪六十車侯伯子男並四十車也米禾芻薪三者并之則公百有十車侯伯八十車子男七十車御覽禮儀部引鄭孝經注說天子待來朝諸侯云芻米百車舉成數通五等言之也賈疏云若然案聘禮米禾皆二十車者彼大夫禮豐小禮大夫餼二字故米禾皆賤之米禾各二十車也案依賈說賤聘禮米禾皆二十車通該五等聘臣則子男之臣米數倍多於其君於禮例亦

難通竊疑米禾之數君臣或同聘禮專爲侯伯臣之禮上公之臣當亦米二十車禾二十車子男之臣當亦米十車禾二十車於差次似較合但與牢數又不無差異經注並無文未敢定也云饗餼既相見致大禮也者外饗注云饗既將幣之禮致禮於客莫盛於饗凡賓主相見而將幣將幣既退而致饗凡朝聘皆同云大禮者對殮爲小禮也並詳外饗疏云大者既兼殮積有生有腥有孰餘又多也者此釋饗餼獨爲大禮之意凡歸饗餼有飪有腥有餼有孰而亨之腥者殺而未亨餼者生而致之是生腥孰三者兼備也賈疏云假令上公饗餼九牢五牢死四牢奉上公五積皆祗牲牽則是一積五牢言兼殮死五牢與殮同言兼積者則兼不盡止兼四耳以其牽與積同故云兼之也

周禮正義

禮七十三

三

禮記卷之九

五百四十九

侯伯子男皆兼積不盡言餘又多者謂米禾芻薪醯醢之屬云  
死牢如殮之陳者亦任一牢在西餘腥在東也者聘禮歸饗餼  
飪一牢設于西階前腥一牢設于阼階前是飪在西腥在東也  
云牽生牢也者生致之不殺也聘禮歸饗餼謂之餼鄭注云餼  
生也云陳于門西如積者于亦當爲於聘禮云餼一牢陳于門  
西北面東上牛以西羊豕西牛羊豕是也賈疏云前殮之陳  
及積之陳皆約聘禮致饗餼法今於此云如積則亦如聘禮饗  
餼也云米橫陳于中庭十爲列每宮半斛公侯伯子男黍梁稻  
皆二行公稷六行侯伯稷四行子男二行者于亦當作於子男  
下賈疏述注有稷字疏云約聘禮致饗餼法彼云米百宮官半  
斛設于中庭十以爲列北上黍梁稻皆二行詒讓案鄭聘禮注

云中庭者南北之中也東西爲列據鄭彼注則上公米百二十  
筥十以爲列自東至西橫陳之黍二行在北次梁二行次稻二  
行次南稷六行也餘並放此每筥半斛卽後文米筥之數也毛  
詩召南采蘋傳云圓曰筥說文竹部云筥箝也箝飯筥也受五  
升與禮經米筥異也云醯醢夾碑從陳亦十爲列醢在碑東醢  
在碑西者據聘禮云醯醢百齏夾碑十以爲列醢在東鄭彼注  
云夾碑在鼎之中央也醢在東醢穀陽也醢肉陰也賈疏云言  
夾碑故知從陳然侯伯醯醢百齏米百筥上介筥及齏如上賓  
上介四人米百筥此數多于子男與侯伯等者上公醯醢百二  
十齏與王舉百二十齏同故鄭志云此公乃二王後如是王之  
上公與侯伯俱用百齏子男八十齏其筥米皆同齏數此是尊



卑之差至於聘禮乃是臣法自爲一體不相與亦是損之而益案夾碑陳十爲列若上公醴醢百二十饗醢六十饗爲六列從設碑西醴六十饗爲六列從設碑東也餘亦並放此又案賈此疏及聘禮疏並謂聘禮臣法損之而益者醴人疏謂五等聘臣同醴醢百饗則子男臣多於君故爲是說以幹旋之此於禮例亦難通竊疑米宮醴醢之數亦君臣禮同子男之臣當亦米八十筭醴醢八十饗耳賈說恐不塙也云皆陳於門內者於公門內之陳也者經言車皆陳文承牢米醴醢之下皆門內所設故知皆陳於門內者明並於所館門內陳之也云言車者衍字耳者謂經言車皆陳不當有車字賈疏云言車載米之車不合在醴醢下言之又案侯伯子男醴醢下皆無車字故知行字也段

玉滋云因下文車字多見而誤衍云車米載米之車也者門外  
所陳米禾芻薪皆載於車此車米則爲載米之車別於後車禾  
爲載禾之車也芻薪不云車者文略鄭必釋此者明此車字宜  
有非衍字也引聘禮日十斗日斛十六斗日簋十簋日秉者釋  
經秉數之數此秉卽後文所謂米秉也鄭彼注云秉十六斛今  
江淮之間量名有爲數者今文簋爲逾云每車秉有五斂則二  
十四斛也者秉十六斛五簋共八斛合之是二十四斛聘禮記  
所謂二百四十斗也云禾稟實并刈者也者稟舊本誤稟今據  
錢鈔本明注疏本正與釋文合說文禾部云禾嘉穀也稟程也  
程禾莖也案稟謂禾稈實謂采粟并刈謂連稟與實而刈之不  
去其采粟也凡穀之采稈通謂之禾故說文禾部云莖節爲禾

此謂稭也廣雅釋草云稭黍稻其采謂之禾此謂采也此以稭實并刈爲禾義亦同書禹貢百里賦納總傷孔傳云禾稭總入之供國馬此禾稭實并刈卽所謂總也程璠田云禾粟之有稭者也其實粟也其米梁也勝禮及掌客職禾皆言若干車車三耗芻薪倍禾以薪芻例禾是禾爲有率者矣又勝禮記云四百秉爲一耗鄭注此秉謂刈禾盈手然則秉耗者禾稭之名禾爲粟之有稭者故以秉耗數之也勝禮米禾皆兼黍稷稻粱言之以他穀連稭者不別立名遂假借通稱非謂禾爲諸穀苗幹大名也引勝禮曰四秉曰筥十筥曰稷十稷曰耗者釋耗之名數此秉筥卽後文所謂禾之秉筥也釋文稷作總云本又作總黍稷禮記作稷鄭彼注云古文稷作總稷總總字並通漢書王莽

傳顏注引韋昭說亦作糞說文禾部云五稷爲秬二秬爲秠用  
禮日二百四十斤爲秉四秉日筥十筥日稷十稷日秬四百秉  
爲一秬許所述周禮說亦本聘禮記而以秉爲四百二十斤與  
鄭本經文及義並不同詳載師陶人疏云每車三秬則三十稷  
也者十稷爲秬三秬則三十稷鄭聘禮注亦云一車之禾三秬  
爲千二百秉三百筥三十稷也云稷猶束也者釋聘禮稷字之  
義說文糸部云總聚束也禾稟實并刈總而束之故以爲十筥  
之名云米禾之秉筥字同數異者詩小雅大田孔疏云禾之秉  
一把耳米之秉十六斛禾之筥四把耳米之筥則五斗是字同  
數則異也王念孫云據周官儀禮及鄭注之文是禾束之秉與  
量名之秉其事既異其數亦殊量名之秉爲十六斛比於斗斛

籩為最多之數禾束之秉為一把比於筥稷耗為最少之名論  
 讓案鄭言此者以其字同易滋淆提故特辨別之說文及載師  
 賈疏引五經異義國語魯語韋注廣雅釋器並誤合米禾秉筥  
 為一亦詳載師陶人疏米筥互詳舍人疏云禾之秉手把耳者  
 聘禮記四秉曰筥注云此秉謂刈禾盈手之秉也毛詩小雅大  
 田篇彼有遺秉傳云秉把也孔疏云秉刈禾之把也小爾雅廣  
 物云把謂之秉案說文又部云秉禾束也从又持禾兼持二禾  
 秉持一禾手部云把握也莊子人間世釋文引司馬彪云一手  
 曰把握此蓋穫時持禾稟盈手一握刈而束之是謂之秉因以  
 為禾一束之名也左昭二十七年傳或取一秉秆焉杜注用毛  
 義家語正論篇秉芻王注云一把曰秉是芻稟之秉皆據一把

言之國語魯語韋注引聘禮記十庾曰秉之文以釋秉芻蓋誤以米秉爲禾秉庾卽今文禮之逾亦卽籩也云筥讀爲棟栢之栢者段玉裁改讀爲爲讀如云比擬其音各本作讀爲誤此言禾之筥讀如栢以別於米之筥讀姜呂反云謂一積也者聘禮記注釋禾秉云筥積名也若今萊易之間刈稍聚把有名爲筥者說文禾部云積穫刈也一日撮也撮卽刈禾聚把之義賈疏云積卽詩云此有不斂穧穧卽鋪也詩大田孔疏云積者禾之鋪而未束者案依鄭孔說蓋刈禾一把謂之秉聚四把謂之筥皆未束者至十筥四十把乃總束之所謂總也云皆陳橫陳門外者也米在門東禾在門西者聘禮云門外米三十車設于門東爲三列東陳禾三十車設于門西西陳是也鄭彼注云車皆

陳北轉云芻薪雖取數于禾薪從米芻從禾也者于亦當為於  
 此明薪亦在門東芻亦在門西也云乘禽乘行之禽謂鴈鶩之屬方言云飛  
 鴈之屬者聘禮注亦云乘禽乘行之禽謂鴈鶩之屬方言云飛  
 鳥曰雙鴈曰乘廣雅釋詁云雙鶉匹乘二也列女傳仁智傳云  
 夫雉鳩之鳥猶未嘗見其乘居而匹處也案乘行謂雙雙相並  
 而行羣處謂成羣而居猶言乘居而匹處矣云於禮以雙為數  
 者賈疏云卽此九十五十及土中日則二雙皆以雙為數是也  
 云殷中也者大行人注同云中又致膳示念賓也者賈疏云此  
 為牢禮之外見賓中閒未去恐賓慮主人有倦更致此膳所以  
 示念賓之意無倦也云若弗酌謂君有故不親饗食燕也不饗  
 則以酬幣致之不食則以侑幣致之者聘禮云公于賓壹食再

饗上公壹食壹饗若不親食使大夫各以其爵朝服致之以侑幣致饗以酬幣亦如之鄭彼注云君不親食謂有疾及他故也必致之不廢其禮也案說文酉部云酌盛酒行觴也饗燕皆有酒食禮無獻酬則不得言酌經舉饗以見食耳經言弗酌亦當闕燕言之酒人注云王不親饗燕不親食而使人各以其爵以酬幣侑幣致之覲禮饗禮乃歸注云禮謂食燕也王或不親以其禮幣致之略言饗禮互文也據彼二注則天子待來朝諸侯不親燕尚言致幣之禮明諸侯自相朝主國之君不親燕當亦有致幣聘禮諸侯使卿自相聘禮殺燕無常數故彼經惟有致饗食幣無致燕幣此五等諸侯相朝燕有常數與饗食同則不親燕亦致幣可知此注及司儀注並不云不親燕自致幣者蓋



周禮正義

禮七十三

三 禮學社本

五百四十九

文不備賈酒人疏謂不燕亦以酌幣致之觀禮疏亦謂此經通饗食燕是也此疏又謂不言致燕者燕禮衰不親酌蓋不致非鄭皆也互詳酒人疏云凡介行人宰史眾臣從賓者也者謂來朝諸侯之臣從其君有職事者也云行人主禮者賈疏云主賓客之禮大行人之類是掌賓禮也胡匡衷云春秋諸國皆有行人而不言大小則諸侯僅立行人之官通掌其事云宰主具史主書者聘禮云宰命司馬戒取介注云宰上卿貳君事者諸侯謂司徒爲宰又云命宰夫官具注云宰夫宰之屬也此宰在行人下則非司徒卿蓋指宰夫以下言之賈疏云此云史止謂大史之屬官以其有爵等故知也案聘禮云史讀書宰執書告備具于君又掌饌具故公食大夫云宰夫具饌于房是掌具也黃

以周二掌客史從君而行者當是大史聘禮從卿而行者乃其屬疏非二云皆有殮饗餼尊其君以及其臣也者眾臣皆別致殮饗餼明推尊禮其君之意以及其臣聘禮記云士無饗注云謂歸餼也是聘臣士介唯有餼之生牢無饗此朝君卿大夫士介皆有饗亦禮之隆殺也云以其爵等爲之牢禮之數陳者此述經陳數作數陳與經文不合浦鏜以爲誤到今攷檀弓孔疏聘禮賈疏引經並作數陳又詩小雅大東箋云凡殮饗餼以其爵等爲之牢禮之數陳正用此經孔疏引注同竊疑此經本作數陳猶世師云展器陳也今本經誤到而注則不誤但數陳它職未見而陳數則見宰夫經疑事毋質謹著其說以俟攷云爵卿也則殮二牢饗餼五牢大夫也則殮大半饗餼二牢士也則殮

少牢饗餼大牢也者賈疏云已下皆約聘禮賓之卿上介之大  
夫士介四人歸饗餼降殺而言也案鄭賈意經言以爵等爲陳  
數明依卿大夫士爲三等之差不分國大小亦不依命數左傳  
昭二十一年孔疏引劉炫說同蓋聘禮致飧賓飪一牢腥一牢  
上介飪一牢眾介皆少牢歸饗餼賓五牢飪一牢腥二牢餼二  
牢上介三牢飪一牢腥一牢餼一牢士介四人皆大牢彼侯伯  
之卿三命而五牢此卽牢禮不依命數之證故據彼釋此若然  
鄭賈意此飪腥餼之數亦當如彼也云此降小禮豐大禮也者  
謂子男之卿饗餼五牢與其君等也賈疏云小禮謂飧飧則去  
君遠矣并乘禽之等皆是小禮也大禮謂饗餼卿與君等是豐  
大禮也云以命數則參差難等略於臣用爵而已者賈疏云依

命公侯伯卿三命大夫再命士一命子男卿再命大夫一命士  
不命并有大國孤一人四命是從孤已下通一命不命有五等  
若以此命數五等爲之則參差難可等級略於臣用爵而已爵  
則有三等易爲等級也言略於臣用爵則君不依爵而用命卽  
諸侯爵五等命惟二等大行人掌客皆依命是也方苞云注非  
也曰以其爵等則各以三等之國卿大夫爵之相當者爲等明  
矣二等之國皆曰以其爵等正爲卿大夫士之爵同而其等各  
異也若如注說子男之卿陳數與君同則紊大禮矣案方說是  
也卿大夫牢禮雖不依命數然五等國大小不同不宜同禮竊  
謂大行人云凡諸侯之卿其禮各下其君二等以下及其大夫  
士皆如之卽此經爵等之義疑公之卿當煊二牢饗餼七牢大

夫當飧二牢饗餼五牢士當飧大牢饗餼三牢侯伯之卿大夫士如聘禮賓介之數子男之卿當如聘禮之上介飧大牢饗餼三牢大夫當如聘禮之士介飧少牢饗餼大牢士當飧特豕饗餼少牢皆下其君二等如是則子男之卿無與君同禮之嫌似於禮爲合左昭二十一年傳說魯待齊鮑國禮以七牢蓋鮑國爲侯國之卿依聘禮當五牢魯人加一等故以公之卿七牢之禮待之而杜注云牢禮各如其命數孔疏推之謂鮑國當三牢則與聘禮不合不足據也又案此經不言附庸之君牢禮之數左傳僖二十八年疏云附庸執帛與公之孤同則饗餼亦五牢禾三十車米二十車薪芻倍禾案依孔說則與子男同亦未知是否賈聘禮疏據此注諸臣用爵之義推聘臣饗食之數謂公

侯伯子男大聘使卿主君同一食再饗而此經子男相朝一食一饗則臣有踰君之嫌賈強爲之說終不可通亦足見此注之不容泥矣云夫人致禮助君養賓也者謂主國夫人也夫人與君同體君旣以禮養賓夫人亦致禮以助之君於賓有致積致飧致饗餼夫人唯一致禮略擬致饗餼而禮大殺皆降於君也云籩豆陳于戶東壺陳于東序者于亦並當作於聘禮云夫人使下大夫韋弁歸禮堂上籩豆六設于戶東西上二以並東陳壺設于東序北上二以並南陳醢黍清皆兩壺是也云凡夫人之禮皆使下大夫致之者卽據聘禮夫人歸禮而言鄭彼注云使下大夫下君也此云皆者兼致膳致饗諸事言之賈疏云若然不使卿者案內宰云致后之賓客之禮注謂諸侯朝覲及女

賓之賓客亦內宰是下大夫王后尙使下大夫況諸侯夫人乎故知使下大夫也云於子男云膳視致饗言夫人致膳於小國君以致饗之禮則是不復饗也饗有壺酒者賈疏云公侯伯夫入致禮則曰八壺八豆八簋與膳大牢致饗大牢三者各別於子男夫人則云膳視致饗鄭云饗有壺酒則致膳無酒矣故云饗有酒若然子男夫人於諸侯惟有二禮矣聘禮夫人於聘大夫直有籩豆壺又不致饗是其差也詒讓案膳視致饗謂子男則夫人不致饗惟致膳禮特盛有壺酒與饗同其公侯伯既別有致饗則其膳無壺酒不同致饗也但酒正云其后之致飲于賓客之禮醫醴糟彼卽后致饗之禮注云王致酒后致飲夫婦之義是后致饗有飲無酒此注謂夫人致饗有酒與彼不同殆

后夫人禮有隆殺與云卿皆見者見于賓也既見之又膳之亦所以助君養賓也者于亦當作於謂主國之卿皆以禮見賓也既見之後又致膳賈疏云言亦者亦夫人也云卿見又膳此聘禮卿大夫勞賓餼賓之類與者謂見與勞賓相類膳與餼賓相類也賈疏述注見上有餼字疑今本誤抗疏云案聘禮賓卽館卿大夫勞賓賓不見大夫奠鴈再拜上介受勞上介亦如之注云不言卿卿與大夫同執鴈下見於國君周禮凡諸侯之卿見朝君皆執羔又云大夫餼賓大牢米八筐上介亦如之此朝君有膳無勞餼聘客有勞餼無膳明此事相當故云勞賓餼賓之類與案鄭以見膳禮經無文約與勞餼相似然其隆殺究不其相合賈聘禮疏謂此經卿見朝君公膳大牢侯伯子男膳特牢



又無筐米聘禮侯伯之臣得用大牢有筐米者爲君臣禮各自爲差降不得以彼難此蓋亦以意強爲之說於理仍難通所未詳也云於子男云親見卿皆膳特牛見讀如卿皆見之見言卿於小國之君有不故造館見者故造館見者乃致膳者賈疏云上公侯伯直云卿皆見以羔於子男卽云親見卿作文有異此言親見卿似朝君親自來見卿有此嫌故讀從上文卿皆見以兼之明此見亦是見朝君三卿之內有見者不見者若故造館見則致膳若不故造館見則不致膳鄭司農說牽云牲可牽行者也者宰夫先鄭注義同牲可牽行卽是生牢二鄭說不異故并引之云故春秋傳曰饋牽媼矣者僖三十二年左傳文宰夫先鄭注亦引此文證牲可牽行之義云秬讀爲秬稗麻荅之秬

若臣從者死棺物皆共之 注云死則主人爲之具而殯矣者  
主人謂朝聘所至之國也聘禮云賓入竟而死遂也主人爲之  
具而殯注云具謂始死至殯所常用賈疏云此乃在館權殯還  
日以柩行知者時賓死以柩造朝是也云喪用者饋奠之物者  
謂常禮當致饗餼今改致其喪禮饋奠之物也聘禮云主人歸  
禮幣必以用注云當中奠贈諸喪具之用不必如賓禮此喪用  
亦當兼幣鄭不備舉耳賈疏云小斂特豚一鼎大斂特豚二鼎  
之類是也賓客有喪唯芻稍之受不受饗食饗食加也喪謂父  
母死也客則又有君焉芻稍牛馬稍人稟也其正禮餼饗饋主  
人致之則受疏賓客有喪唯芻稍之受者賈疏云上文賓客身  
死此文據爲賓客聘至彼國後有喪來告者君行師從卿行旅

從須得資給故受芻稍也案此賓客當兼朝聘賈唯云聘未暇  
有喪亦通公私此皆謂既入竟以後若尙未出己國竟聞君喪  
則當反以吉凶禮不相干也聞私喪則或容受代故公羊宣八  
年傳云大夫以君命出聞喪徐行而不反何注云聞喪者聞父  
母之喪徐行者不忍疾行又爲君當使人追代之是也 注云  
不受饗食饗食加也者賈疏云二者並速賓於廟飲食之事故  
自爲而不受之聘禮亦云聘君若薨于後入竟則遂受禮不受  
饗食注云受饗饋也詎讓案聘禮有私喪亦云不饗食是凡速  
賓饗食固不當受但不受饗食當兼含致於館者而言蓋賓雖  
不受主國仍不容無致也饗食加者對饋饗饋是正禮饗食是  
主國所以加禮於賓者遭喪不敢當盛禮故不受也云喪謂父

母死也者賈疏云據正賓而言若諸侯正應母死而有父者或始封之君舊爲卿大夫容有父或父有廢疾不立已受位於祖亦云有父也案此亦兼朝聘賓客而言因通闢朝賓故不得云君賈謂止據正賓誤也朝賓有父死者或如典命所說諸侯適子攝其君而來朝者耳其介及聘使有父母喪是其常也云容則又有君馬者此專據朝介及聘客而言賈疏云謂介已下非直有父母又有君喪以其俱三年故聘禮若有私喪則哭于館衰而居案此容亦兼卿大夫士特來聘問者而言卽聘禮君薨于後者是也賈專以朝介以下爲釋未暇云芻給牛馬者當亦兼有禾也聘禮注云禾以秣馬云稍人稟也者謂人所食米穀之屬聘禮說君薨于後之禮亦云唯稍受之又記云旣致饗旬

周禮正義 禮七十三

四十一

五十四十七

而稍注云稍稟食也義並同致稍亦有酒漿故漿人云其賓客之稍禮蓋飲食通得爲稟也稍亦詳宮正疏云其正禮殮饗餼主人致之則受者據聘禮召堯于後既受稍又云受禮補此經之義明芻稍之外仍得受殮饗餼以其並主國待賓飲食之正禮不容辭也道主國之喪不受饗食受牲禮牲亦當爲腥聲之誤也有喪不忍煎亨正禮殮饗餼當孰者腥致之也疏道主國之喪者謂朝聘既入竟遭主國君或夫人世子之喪左文六年傳季文子將聘於晉使求遭喪之禮以行又哀十五年傳亦云有朝聘而遭喪之禮是也據聘禮說遭夫人世子之喪亦唯饗餼之受與遭君喪同云不受饗食者亦通速及致皆不受也注云牲亦當爲腥聲之誤也者賈疏云亦上文公與子男牲三

十有六當爲腥是也云有喪不忍煎亨者殮饗有飪牢皆須煎  
亨致之有喪則哀痛方深故不忍煎亨云正禮殮饗餼當孰者  
腥致之也者賈疏云案聘禮聘遣喪入竟則遂也注云遣喪主  
國君薨也主人畢歸禮注云賓所飲食不可廢也禮謂饗餼饗  
食賓惟饗餼之受注云受正不受加也饗食雖主人歸賓賓不  
受其加若饗主人致之亦應受以其正受腥禮

掌詔掌邦國之等籍以待賓客等九儀之差數

**疏**注云等九儀

之差數者據大行人小行人並有九儀司勳注云等猶差也大  
司馬九法云設儀辨位以等邦國故九儀差數之書謂之等籍  
亦謂之禮籍小行人掌邦國賓客之禮籍注云禮籍名位尊卑  
之書是也賈疏云九儀之差數卽大行人命者五等者四以九

以七以五為差數是也若將有國賓客至則戒官脩委積與土  
 逆賓于疆為前驅而入官謂牛人羊人舍人委人之屬士誨士  
 也既戒乃出迎賓疏若將有國賓客至者賈疏云謂五等諸侯  
 及其臣來朝聘至謂入畿內至廬宿市當其待之云則戒官脩  
 委積者遣人云郊里之委積以待賓客委人云以稍聚待賓客  
 是自四郊以至於疆道路之間皆有委積賓客至則更申戒之  
 云與土逆賓于疆者夏官敘官注云疆界也載師云以大都之  
 田任疆地疆疆字同謂於距王國五百里疆界之處迎賓客也  
 注云官謂牛人羊人舍人委人之屬者賈疏云以委積有牛  
 羊豕米禾芻薪之等故知戒官者謂牛人已下也舍人掌給米  
 稟委人掌芻薪之委布於道遠人道十里有廬廬有飲食二

十里有宿宿有委五十里有市市有積之等是也案據疏說則  
賈所見本此注疑并舉遣人大司徒大賓客令野脩道委積注  
亦云令遣人是其證也云士詔士也者詔士云邦有賓客則與  
行人送迎之入于國則爲之前驅而辟野亦如之與此逆賓于  
疆爲前驅而入文正相應故知士卽詔士與此掌詔爲官聯也  
聘禮賓及竟君使士請事遂以入竟又聘義云君使士迎于竟  
並稱詔士爲士與此文同云旣戒乃出迎賓者戒官脩委積之  
事訖乃出迎賓於疆恐猝至事有所闕也及宿則令聚櫟令令  
野廬氏疏及宿則令聚櫟者此與環人爲官聯也 注云令令  
野廬氏者環人注同及委則致積以王命致于賓疏及委則致  
積者大司徒注云少曰委多曰積皆所以給賓客此謂當致委



積之處則依法致之委積文互道也 注云以王命致于賓者

于注例當作於各本並誤此雖依常禮而致不必請命於王以

禮統於尊故亦稱王命也至于國賓入館次于舍門外待事于

客次如今官府門外更衣處待事于客通其所求索疏至于國

者謂至國都也云賓入館次于舍門外待事于客者賈疏云賓

客至王使卿致館掌訝既爲賓客前驅入館掌訝次止于舍門

外待事于客呂飛鵬云聘禮記云賓即館訝將公命疏引此經

及注爲證而云彼謂天子有掌訝之官其承客禮此諸侯使無

掌訝是以遺遺所使大夫士訝將公命有事通傳於君據彼記

則諸侯之待事於客者使大夫士之訝爲之此經所謂待事于

客者乃掌訝主之故下文疏云天子有掌訝之官館館之訝餘

事皆掌土之惟朝覲聘問之日使嚮大夫誦也 注云次如今  
官府門外更衣處者掌次云凡祭祀張尸次先鄭注云尸次祭  
祀之尸所居更衣帳漢時官府門外亦各有更衣處故舉以爲  
況大射儀司射適次注亦云次若今時更衣處帳幃席爲之是  
也云待事于客通其所求索者于亦當作於謂客有闕乏求索  
之事則爲通之於所職之官使具而與之及將幣爲前驅道之  
以如朝疏及將幣者賈疏云謂至行朝聘之日 注云道之以  
如朝者前驅卽道引詳內小臣疏如朝者自客館以至於朝也  
至于朝詔其位入復及退亦如之鄭司農云詔其位告客以其  
位處也入復客入則掌誦出復其故位也客退復入迎爲之前  
驅至于館也立謂入復者入告王以客至也退亦如之如其爲

前驪疏至于朝者賈疏云卽是大門外陳擯介之處外朝在大門外金鶚云諸侯大門之外有空地四旁可爲賓客次舍聘禮賓至于朝入于次是也天子大門外兩旁皆有賓客次舍觀禮諸侯前朝皆受舍于朝同姓西面北上異姓東面北上是也此大門外兩旁通稱朝也案金說是也凡朝聘賓初至皆止於大門外以待事聘禮云賓皮弁聘至于朝是也以後凡請事拜禮亦並於此大門外朝彼侯國禮爲庫門外此王朝禮則當爲皋門外其內直外朝故亦謂之朝實非外朝之廷也凡天子諸侯外朝皆在大門內其門外之地或通謂之朝賈謂諸侯外朝在大門外誤詳朝士疏凡朝覲及聘並於皋門外爲次詳掌次疏注鄭司農云詔其位告客以其位處也者大宰注云詔告也

賈疏云謂告賓門外立位云入復客入則掌誦出復其故位也者賈疏云先鄭以入復爲掌誦客自復己之故位後鄭不從以入復爲白王於義爲允也云客退復入迎爲之前驅至于館也者于亦當作於先鄭意客退則掌誦入迎導以出遂爲之前驅以至客館後鄭則謂無入迎之事其前驅至館則與先鄭同云立謂入復者入告王以客至也者破先鄭掌誦復位之義廣雅釋詁云告復語也是告復同訓此復與復逆之復義同詳宰夫疏云退亦如之如其爲前驅者賈疏云賓客行朝聘訖出還館謂之退亦如前與之道至館凡賓客之治令誦誦治之賓客之治謂欲正其貢賦理國事也以告誦誦爲如朝而理之疏凡賓客之治令誦誦治之者聘禮注引此經作令誦聽之案治聽

義同彼經云賓三拜乘禽于朝詗聽之又記云凡賓拜于朝詗聽之公食大夫禮云明日賓朝服拜賜于朝詗聽之鄭蓋兼用彼諸文此治以令詗者卽宰夫云待賓客之令謂朝聘賓客之小治拜賜卽其一端也又大治則大僕以達於王不以令詗大僕云掌諸侯之復逆是也 注云賓客之治謂欲正其貢賦理國事也者治卽復逆之事與小宰治訟之治義同凡諮辯陳訴請求皆是鄭云正貢賦理國事者約舉一端以見義耳云以告詗詗爲如朝而理之者朝謂治朝賓客以所欲治者告詗詗爲如治朝以其事達於王辯理其可否也**凡從者出則使人道之**從者凡介以下也人其屬胥徒也使道賓客之從者營護之疏凡從者出則使人道之者道唐石經作導今從宋本及釋文導

正字道段字詳寺人疏 注云從者凡介以下也者賈疏云上  
掌客凡介行人宰史從賓客來者皆是從者也云人其屬胥徒  
也者卽掌詔所屬胥四人徒四十人是也云使道賓客之從者  
營護之者賈疏云使不得侵陵從者也及歸送亦如之如之者  
送至於竟如其前驅聚櫟待事之屬疏及歸送亦如之者此亦  
與詔士送之與前來時與士逆賓於疆同故聘義賓歸亦云士  
送至于竟是也經不云與士者冢上文省 注云如之者送至  
于竟如其前驅聚櫟待事之屬者亦如前來時之禮送至于疆  
竟卽疆也賈疏云來時詔爲之道今歸又爲之道及聚櫟待事  
皆如前故云亦如之凡賓客諸侯有卿詔卿有大夫詔大夫有  
士詔士皆有詔此謂朝覲聘問之日王所使迎賓客於館之詔

**疏**注云所謂朝覲聘問之日王所使迎賓客於館之訝者於各本誤于今據明錢氏鈔本監本毛本正此明通記訝事兼有卿大夫士非掌訝中士所爲也聘禮載行聘之禮云厥明訝賓于館注云此訝下大夫也以君命迎賓謂之訝此聘問之日迎賓之事彼賓是卿故使下大夫訝也賈疏云此訝是諸侯朝覲卿大夫士聘問之日訝之入至朝聘之時案聘禮記云卿大夫訝大夫士訝士皆有訝賓卽館訝公命注云使已迎待之命又見之以其摯注云訝將舍於賓館之外宜相親也聘問之日亦使之訝者但天子有掌訝之官卽館之訝餘事皆掌主之惟朝覲聘問之日使卿大夫訝諸侯兼官故大夫士爲訝賓卽館時卽爲之訝與此掌訝不同也論議案聘禮記主聘問言故不及

諸侯卿訝此皆關朝覲故有卿訝也凡訝者賓客至而往詔相其事而掌其治令疏凡訝者賓客至而往詔相其事者此訝亦通指王使迎賓客之訝往謂往至客館也覲禮賜舍後云天子使大夫戒曰某日伯父帥乃初事注云大夫者卿爲訝者也亦引此經爲釋是也

掌交掌以節與幣巡邦國之諸侯及其萬民之所聚者道王之德意志慮使咸知王之好惡辟行之節以行信幣以見諸侯也咸皆也辟讀如辟忌之辟使皆知王之所好者而行之知王所惡者辟而不爲疏掌以節與幣巡邦國之諸侯者節蓋旌節也與行夫環人及布憲所執略同云及其萬民之所聚者者謂國都之外有大都邑亦巡行之也云道王之德意志慮使咸知王



之好惡辟行之者宣布王之威德與擇人爲官聯也 注云節

以爲行信者地官敘官掌節注云節猶信也行者所執之信云

幣以見諸侯也者亦以禮動不虛雖王使巡行邦國其見諸侯

亦自有摯幣玉帛之屬也云威皆也者大小注同云辟讀如辟

忌之辟者辟忌見誦訓段玉裁云辟避古今字云使皆知王之

所好者而行之知王所惡者辟而不爲者明使邦國君民皆順

王之好惡也緇衣云故君民者章好以示民俗慎惡以御民之

淫則不惑矣是其義使和諸侯之好有欲相與脩好者則爲和

合之疏注云有欲相與脩好者則爲和合之者賈疏云下有結

其交好爲朝聘則此好謂使爲婚姻之好也案和好亦謂非朝

聘而特遣使通其和好若典瑞載圭以和難之類皆是不必專

指婚姻賈說未然達萬民之說說所喜也達者達之於王若其  
國君疏注云說所喜也者爾雅釋詁云悅喜樂也國語周語韋  
注云說古悅字案此與擇人使萬民和說義同云達者達之於  
王若其國君者於舊本作于今據錢鈔本明監本毛本校正賈  
疏云掌交既巡民間見民有喜說之事王與國君未知掌交通  
達于王及國君也掌邦國之通事而結其交好通事謂朝覲聘  
問也疏注云通事謂朝覲聘問也者據大行人云時聘以結諸  
侯之好又云凡諸侯之邦交歲相問也殷相聘也世相朝也此  
皆以禮相交通之事亦兼凡使命往來言之以諭九稅之利九  
禮之親九牧之維九禁之難九戎之威諭告賡也九稅所稅民  
九職也九禮九儀之禮九牧九州之牧九禁九法之禁九戎九

伐之戎

**疏**以論九稅之利者以下五事並彖論爲文大戴禮

朝事篇云諸侯之得失治亂定然後明九命之賞以勸之明九  
伐之法以震威之尙猶有不附於德不服於義者則使掌交說  
之故諸侯莫不附於德服於義者此天子之所以養諸侯兵不  
用而諸侯自爲正之法也案彼記卽太此經 注云諭告曉也

者說文言部云諭告也廣雅釋言云諭曉也九稅以下五者並  
當告邦國使曉其利害也云九稅所稅民九職也者說文禾部  
云稅租也租田賦也賈疏云大宰云以九職任萬民既任之使  
之營種因卽稅之三農生九穀稅九穀鬪圃鑿草木稅草木九  
稅唯臣妾聚斂蔬材者無稅今掌交還以此九稅之法告曉使  
之任之稅之案鄭賈以九職爲地稅故以當此九稅實則此九

稅當爲大宰之九賦司書謂之九正彼注云九正謂九賦九貢  
正稅也其義正同九職任民乃口賦非地稅之正共也互詳大  
宰疏云九禮九儀之禮者賈疏云以其大行人小行人掌誦皆  
掌九儀之禮以其專據諸侯國不得以大宗伯九儀解此也言  
之規則弼聘是也云九牧九州之牧者牧卽九州長也詳大宰  
疏賈疏云大司馬九法建牧立監以維邦國故云維云九禁九  
法之禁者卽大司馬九法平邦國禁者禁其不奉法也大行人  
時會以發天下之禁彼注云禁謂九伐之法此九伐別入下文  
九戎故更以九法爲釋與彼義異云九戎或九伐之戎者說文戈  
部云戎兵也大司馬九伐皆用兵威武之事故謂之九戎之威  
大戴朝事篇說九伐之法亦云震威之是也

掌察

掌貨賄

朝大夫掌都家之國治都家王子弟公卿及大夫之采地也主其國治者平理其來文書於朝者疏掌都家之國治者謂國有事施於都家及都家以事請於國通謂之治下文云凡都家之治於國者是也此官爲都家之臣奉其君長之命居於王國者故國治下達都家治上達通掌之也此職凡言國者並指王朝言與敘官每國上士二人指大都言者異賈疏謂國卽都家雖有百里五十里二十五里不同皆謂之國卽王制云畿內九十國失之注云都家王子弟公卿及大夫之采地也者王子弟公卿之采地爲都大夫之采地爲家計載師及春官敘官都

宗人家宗人疏云主其國治者平理其來文書於朝者者鄭亦以國指王朝言也請都家以文書請事於朝則朝大夫爲平理而達之今案朝大夫唯主達其文書不必有平理之事注義未塙曰朝以聽國事故以告其君長國事故天子之事當施於都家者也告其君長使知而行之也君謂其國君長其卿大夫也

**疏**曰朝以聽國事故以告其君長者謂王每日視路門外之治朝聽受國之政事朝大夫亦在位故得聽聞王國所施行之事記錄之而以文書告其君長也 注云國事故天子之事當施

於都家者也告其君長使知而行之也者謂國有政治通行於畿內者朝大夫聽得之則以告都家之君長亦依放而行之也然王朝有大政治雖不施於都家者亦當告其君長注偏舉一

尚耳俞正燮云朝大夫若漢郡國郡吏國事故者謂邸報是也云君謂其國君長其卿大夫也者賈疏云摠而言之皆曰國君別而言之唯三公及王子弟得稱國君卿大夫摠稱長是以司裘國君共熊侯豹侯卿大夫共麋侯是其別稱也論讓案君即大都之主長即小都及家之主也通言之大都亦稱長大宰乃施則于都鄙而建其長是也國有政令則令其朝大夫使以告其都家之吏疏國有政令者謂政令專施於都家者也云則令其朝大夫者謂政令既宣布則各以文書下其都家之朝大夫也注云使以告其都家之吏者賈疏云上文據天子國事遣朝大夫告君長此經據天子政令告朝大夫之事論讓案都家之吏即下文云有司是也鄭以此不云告其君長故云告其吏

然王朝有政令施於都家亦當告其君長注文亦不具也凡都  
家之治於國者必因其朝大夫然後聽之唯大事弗因謂以小  
事文書來者朝大夫先平理之乃以告有司也大事者非朝大  
夫所能平理疏凡都家之治於國者必因其朝大夫然後聽之  
者於經例當作于石經及各本並誤聽謂王官聽其治之是非  
也賈疏云此經據都家有事上諸王府之事 注云謂以小事  
文書來者朝大夫先平理之乃以告有司也者謂都家之有司  
有小事以文書請於國者則先達朝大夫朝大夫先平理其是  
非而後告於國有司也今審釋經義都家之治必出朝大夫而  
達者以防其詐僞及壅遏耳此官所主者傳達徵令之事似無  
平理之權鄭說恐非經義云大事者非朝大夫所能平理者鄭



意朝大夫是上士中士爵卑不能平理大事故都家之吏自告其君長其君長專達於朝不因朝大夫也今案都家有大事則當令專使來至王國咨問辯論非徒以文書上達故不因此官亦非爲其爵卑不能平理也凡都家之治有不及者則誅其朝大夫不及謂有稽殿之疏凡都家之治有不及者則誅其朝大夫者此治謂王國所令徵發及計考之事也俞正燮云誅其朝大夫如漢丞相長史諸郡國邸吏注云不及謂有稽殿之者說文稽部云稽留止也廣雅釋詁云殿後也負也謂阻違法令後期事不辦者也賈疏云都家治有不及稽殿誅朝大夫者以其朝大夫專主都家貢其不能催促故也在軍旅則誅其有司有司都司馬家司馬疏在軍旅則誅其有司者此亦謂徵令有

不及者也 注云有司都司馬家司馬者謂都家司馬帥車徒  
從王者也賈疏云言此者見軍旅不干朝大夫之事都司馬王  
家之司馬王臣爲之者家司馬鄭大夫使家臣自置其司馬者  
也詒讓案知有司非卽朝大夫之屬者明朝大夫當日朝以聽  
國事故不得從軍也都司馬亦當以家臣爲之詳夏官敘官及  
都司馬疏

都則闕疏都則者案此非官名此條蓋西漢時經師所增當刪  
詳敘官疏

都士闕

家士闕

周禮正義卷七十二終